

利川县志

利川縣志

利川縣志卷之十三

藝文志

藝文有志昉於班史大率紀錄書曰卷數撰人姓名間附論說以經史子集爲序而金石文字有足備掌故者亦得列入利川山陬少文學有宋詹鴻博邈著作無聞

國朝陳提督世凱以軍功起家游歷專閩雅好文事所著聖諭十六條宣解三卷

詔予頒行今其書佚不傳惟陳氏紀略一卷附見族譜中亦頗有殘闕未爲全書其官修書則乾隆中知縣湯應求警心

錄同治中知縣何蕙馨縣志十卷警心錄久佚縣志成於倉卒規模略具而已此外邑人著述纔十餘種耳宋元以前金石闕如今其存者自有明始因略分二類以年代爲序始著述終以金石焉

牟氏紀略一卷

明錦衣衛指揮僉事右軍都督同知牟國卿撰國卿爲鳳衛侯文綬第三子是書敘述

文綬生卒事實鼎革後文綬諸子仕履頗詳證之明紀

國史劉澤清列傳亦多符合當不誣也

上諭十六條宣解三卷

援國朝浙江提督陳世凱撰是書引經史所載有關營伍可爲法戒

者依類附著康熙二十五年奏進

詔子頒行

陳氏紀略一卷

陳世凱撰歷試於艱難

施閏章序云覽古命世之英多而後成天下之膚功當其窮蹙

困踣幾不得苟活與傭販者伍及功建名立天下以偉人歸之說者謂有天幸要非智勇深沈經百折出萬死而不挫則尺寸不能以倖成譬若櫟柏之材天固老之以待用向使其材不勝用則凋急雪而隕崩崖其不爲槁莖腐草者鮮矣陳公贊伯之以戰績顯也余舊聞而偉其人有故人高使君尚孚分巡溫處二州說溫鎮陳將軍不去口既相見抑抑禮讓如儒生語及戰陣事惟上頌朝廷之福親王貝子督府將之能及師武臣之力無一語自伐請至再乃出紀略一翻夫功業待時而建者也勇略不待試而具者也公姿岸不過中人生而雄武有畫地爲陣之意明末寇大擾其先公蒙難憤不共天聚鄉人殺賊殲其渠羣賊必欲得而甘心公脫身獨走衝虎豹披棘莽饑三日夜至生啖野蕨墜智井深穴中伏匿得免可謂萬死餘生矣然終不肯黃項老牖下轉徙川蜀國家拓定蜀土仗劍效順始以敢戰聞久之協守杭城多善績杭人頌焉會滇閩搆逆溫處連陷金與衢且剝膚督府今大司馬李公謂公才可大用親王貝子試可決策推轂一二歲間大小三十餘戰卒復溫處而綏靖金衢遂以總兵鎮溫州當是時賊眾所在數萬東陽義烏之間蠶食豕

突而金衢故浙西門戶也溫處又所以屏翰金衢而閩海之
衝也公料敵決勝於處則先奪桃花嶺於溫則率其子紀先
破石塘皆二郡最要害處既得迎刃節解二郡遂平公既負
勇敢戰數以寡殲眾直搗中堅或仿陰平入蜀故智騰鳥道
繞出山背皆身先士卒或免胄冒矢石大呼而入間舉一戰
摧鋒折纛應聲而倒賊望之披靡呼爲陳鐵頭及其師旋則
又以身殿全軍無恙昔人有言使遇高帝萬戶侯豈足哉
捷聞天子大悅於是左都督加世職又特簡
江提督公感涕霑膺未嘗不追痛出萬死而重被國恩也
客請其本末乃略紀之以勸有功示後裔且志諸王督府之
知人善任使也夫功臣宿將多漁獵子女玉帛以侈娛樂公
懲少賤此離不置歌兒舞女戢部曲毋淫掠又多方從他將
贖釋俘婦於戲豈非智仁勇廉者哉世凱輯有陳氏族譜
凡十卷其第七卷紀略第八卷詩文第九卷閩行第十卷著
述世凱七世孫奮烈所藏族譜闕第八卷第九卷第十三卷紀略
卷末闕數十字卷首無序疑施序舊列所闕第八卷中茲從
舊志中補錄如此閩章又有贈世凱詩云漢家飛將舊橫行
枹鼓年來臥不驚劍倚龍泉輕萬馬身先虎穴拔孤城

海國歸樽俎錫土天書別姓名共
說軍前容揖客醉餘緩帶夜談兵

警心錄

知縣湯應求撰

匹馬從軍圖題辭一卷

嘉慶時六品軍功吳三才輯 胡永貴序云吾鄉吳君桂亭草井儒士甲

予冬與余遇於柏鄉道中把晤甚洽訂金蘭交同載馳數旬
日得其五年前隨剿教逆事甚悉入都後過從彌殷偶出匹
馬從軍圖一冊謂余曰此我三載激義奮勇之苦衷也若既
稔聞矣盍縷言之貽我後人俾知王事勤勞即愚賤編氓亦
分無可這余嘉其志且所歷多奇境爰爲之敘其顛末序文
尤不錄其序注云嘉慶元年宜昌長陽縣人林之華覃家曜
爲首犯順據黃柏山號白蓮教二月施南來鳳人胡敬忠又
聚眾於旗鼓寨桂亭白請團勇剿賊孫中堂出川來攻勒福
制軍關將軍分兵圍擊桂亭守李家河李家河爲施郡要區
水淺易涉賊屢攻不失八局來鳳賊平張苗子據宣恩縣龍
馬山以叛桂亭奉檄往攻賊拒斑竹園桂亭追至千師營大
兵至賊降桂亭將隨剿林之華聞四川教匪四起利川與蜀

毘連兼有悔教者恐復變二年春桂亭同里條請邑令設
如法八月初八日奉節縣人包雲飛句結利川悔教之陳大
朋楊士秀等聚眾猖狂於九江河地方南坪汛守疏防賊入
境會川楚兵攻九江河為賊敗利川戒嚴九月初一日桂亭
奉邑令檄護城郭嗣請官兵四十名駐汪家營以四十名往
稱四百鼓舞里人未及三日會者千餘人桂亭捐貲各給號
褂初三日移守野榛壩是夜賊撲長堰塘陳守備卡桂亭往
援詐呼四川將軍兵至賊不戰而退拒山峽桂亭疑賊不下
馳馬登眺見峽東賊分三隊掩護三坑峽西有茅屋數椽旁
有小山凸以轎盛箱籠似以財物見誘後伏賊眾於兩山之
間令長矛手先犯其峽西長矛手至小凸突出五人殺之茅
屋火起伏賊蜂出桂亭乘勢督兵進擒二十餘賊獲礮一兩
山伏賊紛逃追至紙寮溝殺賊甚眾有四逸者俱經各卡
執就戮捷聞以縣令陳能團練鄉勇勦賊萬餘特
旨超升知府桂亭亦蒙賞六品自是賊不能復聚林之
華自黃柏山衝卡而來欲句合包雲飛等不料逆黨剷除甚
捷林之華乃由奉節之柏楊壩上齊嶽山逃出萬縣之磨刀
溪桂亭隨慶提督追至十字路會額侯大隊兵合剿賊敗

奔逃分兵追出石砭西陽州雲陽萬縣轉咸豐宣恩恩施
始長樂等州縣至長陽之朱里寨寨如舟浮水面東北林壑
重繞西南山連不斷前有兩峽後有五峯寨與諸山路僅一
綫寨西曰西灣高萬丈有缺可入寨北大巖口露出茅徑桂
亭始設卡西灣缺處賊圍卡三匝寨後尖峯賊亦堅守嚴密
自十一月圍至十二月上澣有澧州秦姓者謂桂亭曰大巖
口旁有隙可乘兼以草樹錯出援之以升可以越寨因以語
提督命之去秦姓繫布而升隨以布汲上健卒五十三人賊
大驚吠秦姓健卒以犬吠賊出即火賊卡破大巖口桂亭隨
慶提督由大巖口督兵勇接應賊黨從千嶺尖徑衝大巖口
賊首逸出長城寨上兵勇墜滾木雷石以擊逃賊桂亭督兵
勇入大巖口要道正值木石雨下賊眾紛衝於前因貼山以
自固眾大喝截賊首尾極力橫攻賊俱墜巖林之華死於亂
軍令俘獲檢驗首級覃家曜逃出歸州額侯令桂亭隨慶提
督追餘匪三年正月初一日到歸州賊踞中堡寨兵勇日夜
連攻至十七日破賊寨獲覃家曜額侯及慶提督領兵赴蜀
桂亭回里越五年賊既平桂亭入都門冀以捐貲出仕有達
人謂桂亭曰人有一事可以千古此生已足桂亭遂蕭然有

歸志云據此三才始末可以想見 卷中永貴七言古詩一首
首胡萬青五言律詩三首劉正元七言絕句四首蘇兆登七
言律詩二首初彭齡五言排律一首唐方耀七言古詩一首
李鼎元七言律詩二首孫忻七言古詩一首吳嵩梁七言絕
句一首法式善五言律詩一首王開雲七言古詩一首李宗
瀚七言絕句一首胡大成七言古詩一首劉彬士七言律詩
二首張問陶七言絕句一首譚驤七言古詩一首陳用光五
言律詩二首甘家斌七言古詩一首顧時雷五言律詩二首
陳蘭瑞五言律詩一首王洲初七言古詩一首藍光垣七言
古詩一首陳中孚七言古詩一首嚴煥七言絕句三首邵驥
七言律詩一首胡啓榮七言古詩一首譚元七言律詩一首
丁瀚七言古詩一首陶章馮七言律詩一首徐起渭七言古
詩一首何凌漢七言古詩一首向肇隆七言律詩四首又有
名珍者五言古詩一首闕其姓張問陶詩云夕陽芳草接晴
川回首戎旌尙懔然一卷陰符三尺劍圖成也抵畫凌煙
諸生段治邦云三才墓在所居宅後墓前礧石所刻匹馬從
軍圖題辭尙存

利川縣志十卷

同治四年知縣何蕙馨撰 蕙馨序云昔朱晦翁宰南康下車伊始他務未遑先問志書

誠以一邑之中疆域之遠近戶口之盈虛風俗之貞淫奢儉與夫山川草木物類賴有志焉然後守其土者得以按冊而稽儒者出治必先知其所重也癸亥秋不佞承乏茲土縣志未有成書思欲輯成一冊以備掌故奈兵燹後牒訴控愬軍需旁午不遑及此今年春重修省志疊奉憲檄調取縣志校羅討輯經始維艱聞邑人吳楓橋明經昔年輯修郡志曾與其事徵文攷獻體例悉諳因延請操觚編輯越半載而橐乃脫於是重加訂正用付剞劂以備上憲採擇後之官斯土者儻有如朱子其人循其舊而圖其新不下堂而展卷瞭然亦可為觀風問俗之一助焉

五經與要家禮折衷大事辨惑韻學經緯軍機十要楓橋詩

鈔循陔雜著圖書集雅

歲貢生吳江撰見江白

種菊書屋詩稿一卷

監生陳超撰

教子篇一卷

女士謝明月撰 明月幼從女師李楊氏受學
長嫁黃氏取古人教子之義推廣言之凡二十

七章年七十五歿子
華科頗能傳其母教

亦樂齋詩集一卷

僧伴雲撰 無錫王庭楨武進王國均南豐
胡昌銘高涼李增榮並有序 世崇序云

僧與佛有異乎曰異僧者佛之徒曷以異乎其僧而不僧
者也恩施僧鑑空以詩名凡官斯土與搢紳之有文字癖者
無不交鑑空而鑑空亦忘其為僧出入冠帶之場儼然僧而
儒者予以會鞠建始獄至施耳鑑空名一日晤諸城北萬壽
宮談移晷出示所為亦樂齋詩凡七卷予選存十二而進鑑
空語之曰若知佛氏宗旨乎絕倫物捐名實清淨寂滅以虛
無見性者其大較也後世經梵代興大抵皆儒而釋者依託
所為非佛氏本旨況詩歌乎若習佛幾四十年即世所傳經
梵棄之不講而專意於詩其諸僧而不僧者與且夫儒以孔
孟為宗孔孟先仁義後勢利近世儒者或不知仁義為何物
而相率趨於勢利之途其儒而不儒孰甚夫儒而不儒則得
罪孔孟不可以為人僧而不僧又未始非歸儒之機然則交

鑑空者非徒重其詩亦重其僧而不僧而已因書以為序且以質諸讀鑑空詩者

馨山詩集八卷雜錄二卷

諸生黃庭芳撰庭芳詩集雜錄頗有表章邑中人物列女之作亦

可貴也

熙朝約編二卷

諸生段治邦撰是書採輯東華錄國史館列傳仿資治通鑑為編年體尚屬簡易

子史集成二卷

段治邦撰是書採輯子史中語分類編次亦類書中善本

列女便讀一卷

諸生賀際彬撰際彬奉母命取列女傳編為四言韻語以訓幼女石砭諸生譚一亭云

同治壬戌之亂里中烈女奉旌入祠者皆能讀列女便讀者足見是書有益閨閣不少

春草塘詩稿一卷

諸生謝鵬翔撰

右著述類二十三種

朱砂屯城隍廟鐘

在縣東四十里明成化八年正月造

五龍寺鐘

在縣北六十里營上明萬歷十六年把總黃宗潤

德黃正芳黃正軒萬歷

十六年十二月二十六日捐修殿堂

餘剝蝕不可辨識

寺又有萬歷十九年十月初四日黃宗

捐田碑記文亦多剝蝕

馬橋屯城隍廟磬在縣東七里明天啓二年五月十六日田

年造一為乾隆四十二年三月初三日湖北施南府利川縣

東一保造據此則縣境分四汛八十三保當始於乾隆初年

法光寺鐘在縣東五里馬橋屯一名巖洞寺明崇禎二年十

山法光寺住持寂貴施州信官向文雄向德清譚志金譚汝

清譚思延譚思倫譚思

譚思榮牟文元牟文爵牟文奉牟

海林牟海超牟海俊牟海通牟世達牟世萬牟化文牟化龍
總府牟海龍牟文綬餘多漫滅施州衛志牟海龍官漢中
守備牟文綬官淮安總兵其餘十九人仕履無攷又鍾文
有施州衛無施南司所列牟海龍牟文綬衛志作都亭里人
足知縣治為明施州衛都亭里而非施南土司地寺又
有磬一國朝康熙五十五年造鼎一乾隆十七年造
朝陽觀鐘在縣南十五里鍾靈山明崇禎九年十一月十八
凌人募力捐警鐵鑄洪鐘中嶺縣立音透玉虛福臨大地
記又稱湖廣施州衛都亭里乾谿山凌汝明鑄鐘乾谿山在
城西二十里益足為
縣治即都亭里之證

燈明寺記

在縣西南一百八十里小沙溪明監察御史何金

人覃氏生子四俱貴顯忽作出塵之想為寺於林中額曰燈
明長齋奉佛處之晏如沙溪黃氏譜檄宣撫司黃中和子
生子四天燦天燁天燭天熿仕履并見選舉表檄為永歷
時鳳翔總兵時金枝棄官隱於沙溪此記當是永歷時撰

金字山寺碑

在縣東南四十里金字山國朝康熙二十一年

清澤父應學界銀五十兩買山立廟碑前文曰大明國湖廣

省荊州府枝江縣第三都人詹應學碑後文曰皇上壬戌年

二月十九日立寺又有乾隆十四年鐘文曰金字山先朝叢

林聖朝定鼎有姚師循虎跡而至姚師即慧性蓋慧性

清澤買山建寺在國初定鼎之後壬戌為康熙二十一年

時譚宏據四川天成山叛利川陷於賊故碑稱大明國不以

康熙元年寺又有雍正元年鐘文曰湖廣忠孝安撫使司田

昌和鎮守江南蘇松等處地方水師總兵官都督府世襲拜

他刺布勒哈番陳天培湖廣忠路軍民安撫使司覃建侯湖

廣施南等處軍民宣撫使司夫人田氏長男覃禹鼎據此則

是時禹鼎尚

未襲職也

法光寺碑

在縣東五里馬橋屯一名巖洞寺雍正五年十月

法光寶剎創自宋時越歷千載疊閣崢嶸古柏環抱際明末

兵燹棟燼梁灰幸茲四海雍熙寺僧圓善募化十方維新殿

字碑末署勅實荆州府施州衛護理正堂印務支羅分府王
傳施州衛農官石汝印施南府舊志康熙四年設流衛把

總四員一駐支羅湖北通志吳逆平後分防籌上把總一員
支羅把總移駐籌上王倬分防籌上故仍署衛支羅籌上

匠寺當不遠施州衛農官無攷寺右古柏四銀
杏一皆數百年物碑稱寺創自宋時當不誣也

掛子山界碑記

在縣署前乾隆四十四年知縣李延渭撰
記稱利川忠路汎舊屬土司其西北與蜀為

鄰乾隆元年改土歸流而後鄉塘掛子山外之沙子關為利
川鄧都兩縣界厥後鄧民彭長清越佔沙子關會哨處且踰

掛子山大嶺訟數十年不決丙申歲大府檄宣恩知縣賈公
思謨會鄧都知縣詹公士适屬勘議未定戊戌歲復檄施南

知府汪公獻琛荊州通判王公燾會直隸忠州知州甘公隆
濱覆勘延渭與鄧都知縣張公倬從之始知掛子山自北迤

邐而南止於毛灘河凡二嶺西為外嶺東為內嶺中有平岡
岡左右為壩有溪曰馬尾鴨溪俱自北而南匯於毛灘河自

毛灘河至關刀巖西南為簡家壩河河東有後鄉塘汎隸施
南營河西為鄧都境於是仍從員公之議以掛子山內嶺為